


洪範政鑒

十



洪範政鑒

十之上  
十之下

洪範政鑒卷第十之上

土行下

牛禍

魏收曰易坤為牛坤土也土氣亂則牛為怪牛禍其象宗廟將滅又曰轉輸煩則牛生禍魯宣公三年郊牛之口傷改卜牛牛死劉向曰近牛禍也時宣公與公子遂謀共殺子赤而立又以喪娶區霤昏暴成於口幸有季文子得免於禍天猶惡之生則不饗其祀死則

災燔其廟

秦孝文王五年游胸衍有獻五足牛者劉向曰近牛禍也先是文惠王初都咸陽廣大宮室南臨渭北臨涇思心失冒土氣足者止也戒秦建止奢秦將致危亡秦遂不改至於離宮三百復起阿房未成而亡一日牛以力為人用足所以行也其後秦大用民力轉輸起負海至北邊天下叛之京房曰興絲役奪民時厥妖牛生五足漢景帝中六年梁孝王田北山有獻牛足上



出背上。劉向曰：近牛禍。先是孝王驕奢，起苑方三百里，宮館閣道相連三十餘里，納邪臣羊勝之計，欲求為漢嗣，刺殺爰盎，事發，負斧既退歸國，猶有恨心。內則思慮區霧，外則土功過制，故牛禍作。足出於背，下干上之象也。猶不能自解，發疾暴死，又凶短之極也。明帝永平十八年，牛疫死，是歲遣竇固征西域，置郡護戍。己校尉固適還，而西域叛，欲復發興討。會明帝晏駕，思心不眷之咎也。

章帝建初四年冬，京都牛大疫。時竇皇后以宋貴人子為太子，寵幸伺過，讒毀章帝，不知竇太后不善，厥咎霧也。

晉武帝太康九年，幽州塞北有死牛頭語，近牛禍也。時帝多疾，深以後事為念，而託付不公，思稽亂之應也。師曠曰：怨讟動於人，則有非言之物，而言京房曰：殺

無罪牛生妖

惠帝太安中，江夏張騁所乘牛言曰：天下寇賊乘我何之？騁懼，還犬又言曰：歸何早也？騁

使卜者卦之曰天下將有兵寇為禍非止一

家其年張昌叛先略江夏騁為將亦族滅京房

曰牛能言如其言占吉凶易萌氣樞曰人君不好士走馬被文繡犬狼食人食則有六畜談

元帝建武元年七月晉陵陳門才牛生犢一

體兩頭案京房占牛生子二首一身天下將

分之象時愍帝蒙塵平陽元帝即位江東天

下分為二之應

太興元年武昌太守王諒牛生子兩頭八足

兩尾共一腹三年後死又有牛一足三尾皆

生而死案司馬彪說兩頭者政在私門上下

無別之象京房曰足多者所任邪也足少者不勝任也其後王敦

不軌之應

四年十二月郊牛死案劉向說春秋郊牛死

曰宣公區霤昏暴天不饗其祀今元帝中興

之業實王導之謀而親幸劉隗導見踈外區

霤不眷之禍

成帝咸和二年五月護軍牛生犢兩頭六足

是冬蘇峻亂

七年九德人表榮家牛產犢兩頭八足二尾  
共身相靈寶之國在荊州行至鶴穴逢一老  
公驅青牛形色瓌異靈寶即以所乘牛易取  
乘至零陵涇溪駿馱非常息駕飲牛牛逕入  
江水不出靈寶遣人覘守經日無所見其後  
靈寶被誅

梁武陵王紀祭城隍神將烹牛忽有赤虵繞  
牛口牛禍也時紀雖以赴援爲名而實妄自  
尊亢思心之咎神不享君道傷之應果爲元

### 帝所敗

後魏宣武景明二年冀州長樂郡牛生犢一  
頭二面二口三日三耳

後齊後主武平二年并州獻五足牛牛禍也  
案占牛土應宮室之象時帝大發卒於仙都  
苑穿地築山樓殿華麗功始就而亡國  
後周建德六年陽武有獸三狀如水牛一黃  
一赤一黑赤與黑者鬪久之黃者自傍觸之  
黑者死黃赤俱入于河近牛禍也黑者周所

尚色周果滅而隋有天下旗牲尚赤戎服以黃  
隋煬帝大業初常山有牛四脚膝上各生一  
蹄其後建東都築長城開溝洫

唐德宗正元四年二月太僕寺郊牛生犢六足  
心腹之病

周景王將鑄無射鐘泠州鳩曰

應劭曰泠官也州鳩名也

王其以心疾死乎夫天子省風以作樂小者  
不窳大者不擻擻則不睿心是以感感實生  
疾今鐘擻矣王心弗堪其能久乎劉向曰時

景王好聽濫聲思心區霽明年以心疾亡近  
心腹之病凶短之極也

魯叔孫昭子聘于宋元公與燕飲酒樂語相

泣也

昭子叔孫婁也

樂祁佐

樂祁宋司城子梁也

曰今茲君與

叔孫其皆死乎吾聞之哀樂而樂哀皆喪心  
也心之精爽是謂魂魄魂魄去之何以能久  
是冬昭子宋元公並卒

陳後主祥明三年隋師臨江後主從容言曰  
齊兵三來周師再來無復摧敗彼何為者孔



範曰長江天塹古以爲限隔南北北軍豈能  
飛度邪臣每患官卑彼若度來臣爲太尉矣  
後主已不知懼孔範從而蕩之天奪其心曷  
能不敗未幾陳亡範亦遠徙  
後齊文宣常宴於東山投杯赫怒下詔西伐  
極陳甲兵之盛旣而泣曰黑衣非我所制卒  
不行識者以帝精魄已奪知帝祚不永後因  
心疾耽荒酒色性忽狂暴而終

黃青黃祥

漢昭帝元鳳元年九月燕有黃鼠銜其尾舞  
王宮端門中往視之鼠舞如故王使夫人以  
酒脯祠鼠舞不休夜死黃祥也時燕王旦謀  
反將敗死亡之象未幾發覺伏辜

京房曰誅  
不原情厥

妖鼠  
舞門

成帝建始元年四月辛丑夜西北有如火光  
壬寅晨大風從西北起雲氣赤黃四塞天下  
終日夜下著地者黃土塵也時帝舅王鳳始  
用事又封鳳弟崇安成侯庶弟五人關內侯

食邑三千戶。哀帝又封外屬丁、傅、周、鄭、楊、宣六人為列侯。此殆爵土過制，傷亂土氣之祥也。京房曰：經稱觀其生，言大臣之義當觀賢人，知其性行推而貢之，否則為聞善不與。茲謂不知厥異。黃、厥各聾，厥災不嗣。黃者，日上黃光不散如火，然有黃濁氣四塞天下，蔽賢絕道，故災異絕世未幾身僂家絕。

四年九月，長安城南有鼠銜黃蒿柏葉上民冢柏及榆上為巢。桐柏尤多。類師古曰：巢中

無子，皆有乾鼠矢數十。時議者以為恐有水災。鼠盜竊小蟲，夜出晝匿，今晝去穴而登木，象賤人將居顯貴也。桐柏，衛思后園所在。其後趙后自微賤登至尊，與衛同類。趙終無子為害，明年有鳶焚巢殺子之異也。一曰王莽

竊位之象

京房曰：臣私祿罔辟厥妖鼠巢近黃祥也。

蜀劉備章武二年東伐，六月秭歸有黃氣見，長十餘里，廣數十丈。後踰旬備為陸議所破，近黃祥也。

魏齊王正始中王周南為襄邑長有鼠從穴  
出語曰王周南爾以某日死周南不應鼠還  
穴後至期更冠幘皂衣出語曰周南汝日中  
當死又不應鼠復入穴斯須更出語如向日  
適欲中鼠入須臾復出出復入轉更數語如  
前日適中鼠曰周南汝不應我復何道言絕  
顛蹶死即失衣冠取視如常鼠班固曰此黃  
祥也時曹爽專政競為比周故鼠作變  
晉惠帝元康四年正月大霧時帝昏眊政非

己出故有區瞽之祆

明帝太寧元年正月黃霧四塞時王敦擅權  
謀逆之應

穆帝永和七年三月涼州大風拔木黃霧下  
塵時張重華納譖出謝艾酒泉所任非其人

踰年死是其應也

京房曰聞善不予茲謂有

嗣黃者有黃濁氣四塞天

下蔽賢絕道故災至絕世

孝武泰元八年二月黃霧四塞時道子專政  
親近佞人朝綱方替之應

安帝元興元年十月朔黃霧昏濁不雨時桓靈寶不軌之應

義熙五年十一月大霧時帝室衰微臣下權盛兵及土地略非君有之應

梁武帝大同元年天雨土二年天雨灰其色黃近黃祥也時帝自以聰明博達惡人勝己篤信佛法捨身為奴絕道蔽賢之罰也

簡文大寶元年正月天雨黃沙二年簡文夢丸土吞之帝尋為侯景所廢以土囊壓而斃

諸子遇害不嗣之應也

陳後主時夢黃衣人圍城後主惡之遶城植樹盡伐去及隋受禪上下通服黃衣未幾隋師攻圍之應

後周宣帝大象二年正月天雨黃土移時乃息時帝昏狂滋甚其年晏駕至靜帝遜位絕道不嗣之應

隋文帝開皇二年京師雨土時帝懲周室諸侯微弱以亡天下分封諸子並為行臺專制

方面失土之應其後諸王各謀不軌又京房  
占天雨土百姓勞苦無功時營都邑起仁壽  
宮頽山堙谷丁匠死者大半

唐代宗大曆十三年六月隴右軍士趙貴家  
猫鼠同乳不相害節度使朱泚籠以獻崔祐  
甫曰此物之失性也萬物剛柔有性聖人垂  
訓禮迎猫為食田鼠也然猫之食鼠載在祀  
典以其能除害利人今此猫對鼠何異法吏  
不勤觸邪疆吏不勤扞敵以五行言之恐須

申命憲司察聽貪吏誠諸邊境無失巡邏則  
猫能致功鼠不為害矣

裸蟲之孽

梁武帝太清元年丹陽莫氏妻生男眼在頂  
上大如兩歲兒墜地言曰兒是旱疫鬼不得  
住母曰汝當令我得過疫鬼曰有上官何得  
自由母可急作絳帽故當無憂母不暇作帽  
以絳繫髮自是旱疫二年揚徐兗豫尤甚莫  
氏鄉隣多以絳免

簡文大寶二年京口人於藏兒年五歲登城西南角大樓打鼓作長江柵鼓兵象也時侯景擾江南

陳文帝永定三年有人長三丈見羅浮山通身絮白衣服楚麗占曰長人見亡後二歲帝晏駕後主爲太子時有婦人突入東宮而大言曰畢國主後主立而祚終之應

後齊天保中臨漳有婦人產子二頭共體時政由姦佞上下無別之應

後主時有桑門貌若狂人見鳥則向之禮作見沙門則毆辱之烏周色也未幾齊爲周所吞滅除佛法

後周保定三年有人產子男陰在背上如尾兩足指如獸爪陰不當生於背而生於背者陰陽翻覆君臣俱倒之象人足不當有爪而有者將致攫人之變時宇文護專擅朝政征伐自己陰懷篡弒天戒若曰君臣之分已俱矣將行攫噬帝見變而悟遂誅護親萬機克

平齊國轉禍爲福之效

又武帝時有強練者佯狂持一瓠至宇文護門擊破之曰身尚可子苦矣時護專政因朝太后帝擊殺之發兵捕諸子皆楚毒而死強練又行乞於市人或遺之粟麥以無底甕受之笑曰盛空未幾周滅隋都長安城爲墟矣隋文帝仁壽四年有人長數丈見於應門其迹長四尺五寸其年帝晏駕

煬帝大業元年鴈門人房回安母年百歲額

上生角長二寸婦人陰象也角兵象也下反上之應是後天下大潰陰戎圍帝於鴈門六年正月旦有盜衣白練裙襦手持香花自稱彌勒佛出世入建國門奪衛士仗將爲亂齊王暕斬之後三年楊元感引兵圍洛陽戰敗伏誅

八年有澄公者若狂人於東都大叫唱賊帝聞惡之明年楊元感舉兵圍洛陽

九年帝在高陽唐縣人宋子賢善爲幻術每

夜樓上有光明能變作佛形自稱彌勒出世  
又挂大鑑堂上紙素上畫爲蛇爲獸及人形  
有人來禮謁者轉側其鑑遣觀來生形像或  
映見紙上蛇形子賢輒云此罪業也又令禮  
謁乃轉人形示之遠近惑信日數千人遂謀  
作亂爲無遮佛會因舉兵欲襲擊乘輿事泄  
以兵捕之夜至其所遶其所居但見火坑兵  
不敢進擒斬之後復有桑門向海明於扶風  
自稱彌勒佛出世潛謀不軌人有歸心者輒  
獲吉夢由是人皆惑之三輔翕然稱爲大聖  
因舉兵反衆至數萬官軍擊破之京房曰妖  
言動衆茲謂不信路無人行不出三年起兵  
自是天下寇賊

洪範政鑒卷第十之上



洪範政鑒卷第十之下

土行下 金木水火土

地震

周幽王二年周三川皆震太史伯陽甫曰周將亡矣天地之氣不過其序若過其序民亂之也陽伏而不能出陰迫而不能升於是地震今三川震是陽失其所而填陰也陽失而在陰原必塞原塞國必亡夫國必依山川山摧川竭亡之兆也若國亡不過十年數之

紀也是歲三川竭岐山摧劉向日陽失在陰者謂火氣來煎枯木故川竭也山川連體下竭上推事勢然也時幽王暴虐妄誅伐不聽諫迷於褒姒廢其正后后父申侯與犬戎共攻殺幽王

京房曰君臣相背厥異名水絕

魯文公九年九月地震劉向日先是齊桓晉文魯釐二霸賢君新沒周襄王失道楚穆王殺父諸侯皆不肖權傾於下天戒若曰臣下強盛者將動為害後宋魯晉莒鄭陳齊皆殺



君於京房曰臣事雖正專必震其震於水則波  
茲謂陰動厥震搖山出涌水嗣子無德專祿茲謂不陰  
厥震搖山出涌水嗣子無德專祿茲謂不  
順厥震動丘陵涌水出劉向曰  
臣下強盛將動而為害之應

襄公十六年五月甲子地震劉向日先是雞  
澤之會諸侯盟大夫又盟是歲三月諸侯為  
涇梁之會而大夫獨相與盟五月地震矣其  
後崔氏專齊欒盈叛晉良霄傾鄭閻殺吳子  
燕逐其君楚滅陳蔡

昭公十九年五月己卯地震劉向日時季氏

將有逐君之變其後宋三臣曹會皆以地叛

宋華亥向寧華定出奔蔡莒逐其君吳敗中  
陳曹會大夫公孫會也蔡莒逐其君吳敗中  
國殺二君蔡侯朱朱出奔楚二十三年莒人  
逐其君庚與奔魯又吳敗頓胡沈蔡陳  
許之師于雞父胡子駘沈子逞滅是也

二十三年八月乙未地震劉向日時周景王

晏駕劉單立王子猛尹氏立子朝魯季氏逐

昭公黑肱叛邾黑肱邾吳殺其君僚宋五大

夫晉二大夫皆以地叛定十年宋公之弟辰

十一年春辰及仲它石疆公于地自陳入于  
蕭以叛秋宋樂大心自曹入于蕭十三年晉

荀寅士吉射  
入朝歌以叛

哀公三年四月甲午地震劉向曰時諸侯皆信邪臣莫能用仲尼盜殺蔡侯齊陳乞弑君

哀四年盜殺蔡侯申  
陳乞齊大夫陳僖子

漢宣帝本始四年四月郡國四十九地震或山摧水出北海琅邪壞祖宗廟城郭殺六千餘人詔郡國舉賢良方正大赦天下上素服避正殿五日

元帝初元二年二月地震隴西郡毀落太上

皇廟殿壁木飾壞敗獮道縣城郭官寺及民室屋壓殺人衆山摧地裂水泉涌出

光武建武二十二年九月郡國四十二地震南陽尤甚地裂壓殺人其後武谿蠻爲寇遣將軍劉尚擊之爲夷所沒

章帝建初元年三月山陽東平地震

和帝永元四年六月郡國十三地震春秋漢舍莩曰女主盛臣制命則地動圻畔震起山摧淪時竇后攝政兄憲專權後五日詔捕憲

黨郭璜等收憲大將軍印綬就國到自殺  
五年二月隴西地震案民安土者也將大動  
行大震是秋發邊郡兵討匈奴之應

七年九月京師地震時帝與中常侍謀奪竇  
氏權因任用之應

安帝永初元年十二月郡國十八地震李固  
曰地者陰也法當安靜今乃越陰職專陽政  
故應以變時鄧后攝政專事陰類並勝西羌  
猾夏連十餘年

建光元年九月郡國三十五地震或圻裂壞  
城郭屋壓殺人時帝不能明察信宮人讒破  
鄧后家中人用權之應

三年京都郡國三十三地震時廢太子又以  
讒免太尉楊震之應

四年十月京師郡國十六地震時閻后攝政  
弟兄用事斥安帝之應

順帝延光三年十一月丁巳京師及郡國十  
六地震是夜孫程等迎濟陰王於德陽殿西

鐘下即帝位之變

永建三年正月京師地震漢陽地陷裂屋壞殺人地坼涌水時帝阿母中人用權之應

陽嘉二年四月京師地震時爵號阿母宋娥山陽君之應

永嘉二年四月又震未幾宋娥構姦誣罔得罪其年十一月京師地震王龔曰此中人弄權之應

三年二月京都金城隴西地震裂城郭室屋

多壞壓殺人是冬西羌入金城塞為邊害

建康元年正月辛丑詔隴西漢陽張掖北地武威武都自去年九月已來地百八十震山谷坼裂壞敗城寺殺害民庶時順帝棄代梁后攝政欲為順帝作陵制度奢廣多壞吏民冢藥巴奏諫收下獄將殺之丙午地又震梁后乃出巴為庶人

相帝建和元年九月京師地震時梁后攝政兄冀秉權之應

永興二年二月京師地震詔興服制度有踰  
侈長飾者皆損省

延熹五年五月京都地震時帝與單超謀誅  
梁冀用事之應

靈帝建寧四年二月地震光和元年四月又  
震時中人專恣之應

魏明帝景初元年六月京都地震是秋吳將  
朱然圍江夏荊州胡質擊退之又公孫文懿  
自立爲燕王討平之

吳孫權赤烏二年正月地再震時呂壹專事  
步騭曰伏聞校事求瑕陷人成其威福無罪  
無辜橫受重刑雖有大臣不見信任如此則  
地連震動臣下專政之應壹後卒敗

赤烏十一年二月江東地仍震權聽讒黜朱  
據廢太子之應

魏齊王正始二年十一月三年七月六年二  
月南安郡並地震時曹爽專政遷太后于永  
寧宮太后與帝泣別故連年震

蜀劉禪炎興元年蜀地震時黃皓專權之應  
晉武帝泰始五年四月地震是冬新平氐羌  
叛之應

太熙元年正月地震

自咸寧後至是郡國京

世始於賈充終於楊駿阿黨昧利苟竊

朝權至於末年所任轉弊故頻年地震  
惠帝元康元年十二月京都地震是夏賈后

殺汝南王亮太保衛瓘此陰盛陽微之應

四年京都地震蜀郡山移淮南壽春洪水出

山摧地陷壞城府時賈后亂朝禍敗之應

曰小人剝廬厥妖山摧茲謂陰乘陽弱勝

強又陰背陽則地裂父子分離夷羌叛去  
太安元年十二月地震時齊王囧專政之應

二年十二月又震亦長沙王乂專政之應

懷帝永嘉四年四月兗州地震時石勒寇汲

郡執太守遂南濟沔之應

愍帝建興二年四月三年六月長安地再震

時四方兵亂之應

元帝太興元年西平廬陵豫章武昌地震山

摧水涌干寶曰王敦犯上之應

成帝咸和二年江陵益豫二州地震是歲蘇峻作亂

穆帝永和四年六月地震時母后稱制政在臣下故連年震

哀帝隆和元年四月地震時政在將相之應  
海西公太和元年二月涼州地震水涌時海西將廢之應

孝武二年二月地震山摧時權在將相陰盛之應

太元十二年六月地震其後緣河諸將連歲兵役人勞之應

十七年六月十二月地震再震時羣小弄權之應  
安帝隆安四年四月九月地震再震時政在臣下之應

後魏孝文太和元年四月京師地震五月統萬鎮又震聲如雷閏月秦州又震隱隱有聲  
三年雍州氏叛

宣武景明四年六月十二月秦州地震再震後



二年秦州民王智叛推秦州主簿呂苟兒為主  
延昌元年四月京師及并朔相冀定瀛六州  
地震棗州鴈門震陷裂山圯泉涌殺五十人  
牛馬雜畜死者三千餘皆爾朱榮擅權之應  
至三年棗州又震不止

宋文帝元嘉七年四月地震時遣軍經略司  
兗之應

孝武大明六年七月地震有聲自河北魯郡  
山摧地動壞城女牆四百八十丈墜落屋倒

兗州地裂泉涌三年不已其後虜主死兗州  
刺史夏侯祖權卒

梁武帝天監五年十一月京師地震案占臣  
下盛將動而為害地動以下十一月者其邑  
饑亡時交州刺史李凱舉兵反明年霜歲儉  
人饑

普通三年正月建康地震時義州刺史文爽  
以州叛

六年十二月地震案占地冬動有音以十二

月者其邑有行兵時帝令豫章王琮將兵北伐之應

中大通五年正月建康地震案占地以春動歲不昌是歲大水民饑

大同三年十一月建康地震案占地震以十

一月邑有大喪及饑亡明年霜災民饑五年七年

九年皆地震即會稽賊起及交州李賁僭叛之應

太清三年四月建康地震時侯景擾亂帝以

憂憤晏駕

陳後主祥明元年正月地震時施文慶沈客

卿專恣之應

東魏武定二年十一月西河地陷而且然時

齊神武作宰侯景擅河南後二歲神武亡景

亦敗亡京房曰地自陷其君亡祖暉曰火陽精也地陰主也地然越陰之道行陽

之政臣下擅恣終以自害

後周建德二年涼州地頻震城郭多壞地裂

出泉案占地分裂羌夷叛時吐谷渾頻寇河

西之應

隋文帝開皇十四年五月京師地震案占地  
動以五月人流亡是歲關中饑

仁壽二年四月岷雍地震案占地動以四月  
五穀不熟人大饑

唐高宗永徽元年四月晉州地震屢震張行成  
曰天陽君象地陰臣象君宜轉動臣宜安靜  
今晉州地震臣恐女謁用事大臣陰謀且晉  
州陛下本封尤彰其應

德宗正元三年十一月夜京師地震三巢鳥  
皆驚

正元四年正月朔御舍元殿受朝賀質明殿  
階及欄檻三十餘間無故自壞甲士死者十  
餘人其夜京師地震帝曰此朕寡德所致時  
金房州震尤甚江溢山裂屋室多壞

憲宗元和七年八月京師地震草樹皆搖  
後唐明宗長興二年六月太原地震凡三日  
左補闕李詳曰陛下中興唐祚起自晉陽聖  
明御宇于今六年恐陛下忘創業艱難之時

有矜滿之意望罷不急之務帝嘉之  
地裂

安帝元初六年二月京都郡國地裂涌水敗  
壞城郭民室屋壓人蓋陰盛也

和帝永元七年趙國易陽地裂京房曰地裂  
者臣下分離不肯相從時南單于衆乖離漢  
軍追討之應

元興元年五月右扶風雍地裂其後西羌大  
寇涼州

安帝元初元年三月日南地坼長百八十二  
里其後蒼梧鬱林合浦羣盜劫略民吏之應  
順帝陽嘉二年六月雒陽宣德亭地坼長八  
十五丈近郊地李固曰陰類專恣將有分離  
之象所以附郊城者上帝示象以戒陛下時  
宋娥用權分爭又梁商張遼爭權之應  
相帝建和元年四月郡國六地裂水涌出井  
溢壞寺屋時梁后攝政兄冀枉殺李固杜喬  
之應

永壽三年七月河東地裂亦梁冀秉政之應。

永康元年五月雒陽高平永壽亭上黨泣工音

切緣氏地裂時朝臣患王甫等專恣謀誅之應。

靈帝建寧四年五月河東地裂十二處裂長

十里百七十步廣者三十餘步深不見底

晉惠帝元康四年六月壽春上庸並地裂人

家陷死八月居庸地裂廣三十六丈長八十

四丈水出大饑皆賈后專政之應

懷帝永嘉三年七月當陽地裂京房曰陰背陽則地裂父

子分離夷羌叛去其後司馬越苟晞交惡四方離散王室遂亡

後周武成建德二年涼州地裂出泉時吐谷

渾頻寇河西之應

地陷

晉武帝太康五年五月宣帝廟地陷梁折八

年正月太廟殿又陷改作廟築基及泉天戒

若曰地陷者分離之象明年武帝晏駕王室

遂隳

八年七月大雨殿前地陷方五尺深數丈中

有破舡皆土失其性之應

惠帝元康四年五月淮南壽春地陷方三十丈壞城府殺人。是時賈后專政禍敗之應。九年六月夜暴雷雨賈謐齋屋柱陷入地壓謐牀帳。此土失其性不能載也。明年謐誅懷帝永嘉元年三月洛陽東北步廣里地陷地然。

晉惠帝光熙元年五月范陽國地然。可以爨此火冷土也。時禮樂征伐自諸侯出故有此變。

東魏孝靜武定二年十一月西河地然。祖暉曰火陽精也。地陰主也。地然越陰道行陽政。臣下擅恣終以自害。時齊神武作宰侯景擅河南後二歲神武晏駕景亦敗亡。

山圯

魯釐公十四年八月沙麓圯穀梁赤曰林屬於山曰麓。劉向曰臣下背叛散落不事上之象。先是齊桓行霸道會諸侯事周室管仲既死桓德日衰天戒若曰霸道將廢諸侯散落。

政逮大夫陪臣執命臣下不事上矣桓公不寤天子蔽晦及齊桓死天下散而從楚王孔子殺二大夫晉敗天子之師莫能征討從是陵遲公羊高曰沙麓河上邑也董仲舒曰河大川象齊大國桓德衰霸道將移於晉文故河徙左丘明曰沙麓晉地沙山名地震而麓圯不書震舉重者也伯陽甫所謂國必依山川山圯川竭亡之兆也不過十年數之紀也至二十四年晉懷公殺於高粱

京房曰小山人剝廬厥妖山

圯茲謂陰乘陽弱勝強

成公五年夏梁山圯穀梁赤曰壑河三日不流晉君帥羣臣而哭之廼流劉向曰山陽君也水陰民也天戒若曰君道圯壞下亂百姓將失其所哭然後流喪亡象也梁山在晉地自晉始而及天下也後晉暴殺三卿厲公以弒湫梁之會天下大夫皆執國政其後孫寗出獻公孫林父寗殖皆衛大夫衛獻公名衎圍二子怒作三家逐魯昭單尹擾王室劉歆

孽遂出奔齊

曰梁山晉望也。圯摧也。古者三代命祀祭不越望。吉凶禍福不是過也。國主山川山摧川竭亡之兆也。美惡周必復。是歲歲在鶉火。至十七年復在鶉火。藥書中行偃殺厲公而立悼公。

漢高后二年正月武都山摧殺七百六十人。地震至八月乃止。

文帝元年四月齊楚地山二十九所同日俱大發水潰出。劉向曰：近水沴土也。天戒若曰：

勿盛齊楚之君。今失制度將為悖。後十六年

齊王則薨無子分齊地立悼惠王庶子六人

皆為王

齊孝王將閭濟北王志菑川王賢膠東王雄渠膠西王卬濟南王辟光

賈誼晁錯諫以為違古制恐為悖。景帝三年七國起兵百餘萬漢皆破之。

成帝元延三年正月蜀郡岷山摧壅江。江水退流三日乃通。劉向曰：周時岐山摧三川竭而幽王亡。岐山者周所興也。漢家本起於蜀。今所起之地山摧川竭殆必亡矣。其後三世



亡嗣王莽篡位

和帝永元元年七月會稽南山圯會稽南方  
大名山也京房曰山圯陰乘陽弱勝強也劉  
向曰山陽君也水陰民也君道圯壞百姓失  
所劉歆曰圯猶地也時竇后攝政兄憲專權  
之應

十二年夏閏四月南郡秭歸山高四百丈圯  
填谿殺百餘人明年冬至蠻夷叛遣使擊之  
殤帝延平元年五月河東常山圯是鄧后專

政之應

安帝延光四年十月丙午蜀郡越嶲山圯殺  
四百餘人其日天子會日也時閻后攝政十  
一月孫程等殺江京立順帝誅閻后兄弟明  
年閻后亡

和帝永興二年六月東海昫山圯其冬太山  
琅邪盜賊羣起之應

延熹三年五月漢中山圯時單超用事之應  
魏文帝咸熙二年二月太行山圯此魏亡之

北其冬晉有天下

吳孫權赤烏十三年八月丹陽句容及故鄣寧國諸山圯鴻水溢天戒若曰君道圯壞百姓將失其所三代命祀祭不越望吉凶禍福不是過也吳雖稱帝其實列國災發丹陽其天意矣殆圯亡之兆後二年權薨又二十六年吳亡

晉武帝泰始四年七月泰山摧墜三里案占聖王受命人君虜後帝晏駕而祿去王室惠皇懷弱懷愍俱辱虜庭淪骨於北元帝中興之應

成帝咸和四年十月柴桑廬山西北崖圯是冬劉嗣為郭默所殺

南齊高帝建元二年夏廬陵石陽縣長溪水擊山麓圯長六七丈得柱千餘皆十圍題有古文不可識王儉曰江東不閑隸書此秦漢時柱也四年帝晏駕蓋世變之象

武帝永明二年秋始興曲江縣山圯壅溪水

成陂占曰山秋圯人主惡之

後魏太武太延四年華山圯占曰山岳配天猶諸侯之係天子山圯諸侯有亡者沮渠牧犍將滅之應

宣武景明元年五月齊州太陰山圯飛泉涌出殺百五十九人

延昌三年八月太山圯積石涌泉十七處案此山帝王告成封禪之地泉涌山圯是陽黜陰盛天意若曰當有自齊而興受禪讓者齊

### 代魏之應

隋文帝仁壽三年梁州就谷山摧案占山摧散落背叛不事上之類也梁州爲漢地明年漢王諒舉兵

煬帝大業七年砥柱山摧壅河逆流數十里時帝興遼東之師百姓不堪其役四海怨叛帝不悟卒亡

唐高祖武德六年七月雋州山圯川水咽流太宗正觀八年七月隴右山圯虞世南曰春

秋國主山川故山圯川竭君爲之不舉樂降  
服出次祝幣以禮焉惟脩德可以消變帝然之  
山徙

唐則天永昌中華州敷水西南坡白晝飛四  
五里直抵赤水坡上草樹無損時新豐露臺  
鄉因大風雨電震有山踊出高二百尺池周  
三頃中有龍鳳之形則天以爲休證名爲慶  
山俞文俊曰地氣不和則堆阜出陛下以女  
主居陽位變易剛柔故地氣隔塞山變爲災  
則天怒流于嶺南

肅宗乾元二年六月魏州閭鄉縣女媧墓先  
因大雨晦冥失所在至是河濱聞風雨聲曉  
見其墓踊出上有雙柳各長丈餘下有巨石  
號風陵堆

德宗建中初魏州魏縣西土忽長高四五尺  
明年田悅叛命悅壘正在土長之所  
山鳴

漢獻帝建安七年長沙醴陵縣有大山常鳴

洪範政鑒卷第十之下

如牛响聲積數年後豫章賊攻沒醴陵論語  
像日山亡圯川閉塞漂淪移山鼓哭閑衡夷  
庶桀合兵王作時天下尚亂桀並爭三雄  
參分天下荆州於時戰爭四分豪桀並爭三雄  
五裂之地為劇故山鳴示異





